



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍՉԱԿԱՆ ՄԱՐՄԻՆ

Ո Ր Ո Շ ՈՒ Մ N_56
Տուգանք նշանակելու մասին

22.03.2023թ.

ք. Երևան

Քննելով տեսչական մարմնի կողմից 2023թ. հունվարի 31-ի N 83-Ա հրամանով

«ՄԵԳԱ ԹՐԵՅԴ» ՍՊԸ-ում /ՀՎՀՀ՝ 00489503/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 83-Ա կազմված 09.03.2023թ., խախտումների մասին 17.02.2023թ. արձանագրությունը և այլ նյութերը), որոնցով բացահայտվել է որ՝

ՍՊԸ-ն զբաղվում է ավտոմոբիլային բենզինի, դիզելային վառելիքի և հեղուկացված ածխաջրածնային գազի մանրածախ վաճառքով ք. Երևան Արին Բերդի 9 հասցեում:

Ստուգումն իրականացվել է «Չափումների միասնականության ապահովման մասին» ստուգաթերթերի հիման վրա:

Ստուգման արդյունքում պարզվել է, որ ՍՊԸ-ն չի կատարել ՀՀ շուկայի վերահսկողության տեսչական մարմնի ղեկավարի կողմից արձակված 2022 թվականի նոյեմբերի 30-ի N37 կարգադրագրի կատարման պահանջները, մասնավորապես չեն ստուգաչափվել ՀՀ Կոտայքի մարզ, ք. Աբովյան, Երևանյան փ. հասցեում գտնվող - 4 հատ վառելիքաբաշխիչ աշտարակները, ք. Չարենցավան, Շահումյան 1/11 հասցեում գտնվող - 6 հատ վառելիքաբաշխիչ աշտարակները և 2 հատ հեղուկ ածխաջրածնային գազալիցքավորման աշտարակները, ՀՀ Գեղարքունիքի մարզ, ք. Գավառ Ազատության 41/2 հասցեում գտնվող - 3 հատ վառելիքաբաշխիչ աշտարակները, Նորատուս, Մայրուղի թաղ 2 հասցեում գտնվող - 3 հատ վառելիքաբաշխիչ աշտարակները և 1 հատ հեղուկ ածխաջրածնային գազալիցքավորման աշտարակները, Սևան, Ֆինանսական 14 հասցեում գտնվող - 5 հատ վառելիքաբաշխիչ աշտարակները, ՀՀ Արմավիրի մարզ ք. Հոկտեմբերյան Երևանյան 4 հասցեում գտնվող - 6 հատ վառելիքաբաշխիչ աշտարակները:

Փաստացի խախտվել է ՀՀ «Չափումների միասնականության ապահովման մասին» օրենքի 16-րդ հոդվածի 1-ին մասի պահանջները:

Նշված իրավախախտման համար պատասխանատու է՝

Սուրեն Կարենի Բաղդասարյանը

իրավախախտողի անունը, ազգանունը, պաշտոնը

բ. Երևան, Լենինգրադյան 38/24.

մշտական բնակավայրը և հասցեն

Իրավախախտում կատարած անձը «Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն պատշաճ ծանուցվել է ՀՀ Շուկայի վերահսկողության տեսչական մարմնում 22.03.2023թ.-ին ժամը 11:00-ին կայանալիք վարչական գործի քննության տեղի, օրվա, ժամանակի մասին, սակայն չի ներկայացել և գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու ճանաչել Սուրեն Կարենի Բաղդասարյանին և կիրառել Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 4-րդ մասով նախատեսված պատասխանատվության միջոցը, սահմանել տուգանք 250 000 /երկու հարյուր հիսուն հազար/ ՀՀ դրամի չափով:

2. Տուգանքը պետք է վճարվի **Պետական բյուջե 900005024014 հ/հ :**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝

ԱՐՄԵՆ ԿՈՏՈՒՅԱՆ

